

Von Pestilenz vnd Sterbensleufften. **CLVI**

Dein zorn ist groß vnd frist vmb sich/ Das viel Leut fallen
plötzlich/ wie Gras im Feld das heute steht/ den andern tag gar
bald vergeht/ vergiß doch HERR der gute nicht / las gnade sein in
dein gericht.

An deinem wort wir halten fast/ das du vns zugesaget hast/
Das du der Vater wollest sein/ vnd wir wie deine Kinder klein/
darumb wir vns zuversicht/ Allein O HERR setzen auff dich.

Dein Engeln vber vns befehl / Das sie die plag abweu-
den schnell/ vnd auff den Henden tragen sein/ Wenn wir auff vns-
fern wegen sein/ Das vns fuß nicht stossen an / In Gottes be-
ruff sicher gahn.

Hilff vns HERR/ wir begehren dein / mit gnedigim Ant-
litz vns erschein / wir ruffen zu dir in der noth / erhör vns nu du
trewer Gott/ Reis aus der noth vnd Todes gewalt / Mach vns
zu Ehrn vnd tröst vns bald.

Las vns dein heil vnd gnade sehn / In deinem zorn wir
sonst vergehn/ Das leben frist vns gnediglich / Truff das wir mü-
gen preisen dich / am letzten end / dein hülff vns send / nim vnsere
Seel in deine hend/ Amen.